

**ԵՐԵՎԱՆԻ Վ. ԲՐՅՈՒՍՈՎԻ ԱՆՎԱՆ ՊԵՏԱԿԱՆ ԼԵԶՎԱԲԱՆԱԿԱՆ ՀԱՄԱԼՍԱՐԱՆԻ
ՊԱՅՄԱՆԱԳՐԱՅԻՆ, ՀԱՄԱՏԵՂՈՒԹՅԱՆ ԵՎ ԺԱՄԱՎՃԱՐԱՅԻՆ ԿԱՐԳՈՎ ԱՇԽԱՏԱՆՔԻ
ԸՆԴՈՒՆԵԼՈՒ**

ԿԱՐԳ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը, հիմք ընդունելով «Երևանի Վ. Բրյուսովի անվան պետական լեզվաբանական համալսարանի պրոֆեսորադասախոսական կազմի ձևավորման» Կանոնակարգը, սահմանում է պայմանագրային, համատեղության և ժամավճարային կարգով աշխատանքի ընդունելու ընթացակարգը, սկզբունքները և պայմանները:
2. Պայմանագրային, համատեղության և ժամավճարային կարգով աշխատանքի կարող են ընդունվել «Երևանի Վ. Բրյուսովի անվան պետական լեզվաբանական համալսարանի պրոֆեսորադասախոսական կազմի ձևավորման» Կանոնակարգի II կետի 4-րդ, 5-րդ, 6-րդ, 7-րդ և 8-րդ ենթակետերով նախատեսված պրոֆեսորադասախոսական բոլոր տարակարգերին համապատասխանող, ինչպես նաև այդ տարակարգերին ներկայացված պահանջները բավարարող անձիք:

**II. ՊԱՅՄԱՆԱԳՐԱՅԻՆ, ՀԱՄԱՏԵՂՈՒԹՅԱՆ ԵՎ ԺԱՄԱՎՃԱՐԱՅԻՆ ԿԱՐԳՈՎ ԱՇԽԱՏԱՆՔԻ
ԸՆԴՈՒՆԵԼՈՒ ԸՆԹԱՑԱԿԱՐԳ**

3. Պայմանագրային, համատեղության և ժամավճարային կարգով աշխատանքի ընդունվող հավակնորդներին (այսուհետ՝ Հավակնորդ) ներկայացնում է ամբիոնը թափուր ժամերի առկայության դեպքում:
4. Հավակնորդի աշխատանքի ընդունելու հարցը քննարկվում է ամբիոնի նիստում: Արձանագրության քաղվածքը համապատասխան հիմնավորումով և հավակնորդի՝ սույն Կարգով սահմանված պարտադիր փաստաթղթերով ներկայացվում են Համալսարանի ուսումնական աշխատանքների գծով պրոռեկտորին:
5. Ուսումնական աշխատանքների գծով պրոռեկտորը փաստաթղթերի փաթեթը ուսումնասիրելուց հետո ռեկտորատի քննարկմանն է ներկայացնում հավակնորդի թեկնածությունը:
6. Ռեկտորատի դրական որոշման դեպքում հավակնորդը դիմում է գրում Համալսարանի ռեկտորի անունով և աշխատանքային պայմանագիր է կնքում տվյալ ուսումնական տարում ԵրՊԼՀ-ում դասավանդելու համար:

**III. ՊԱՅՄԱՆԱԳՐԱՅԻՆ, ՀԱՄԱՏԵՂՈՒԹՅԱՆ ԵՎ ԺԱՄԱՎՃԱՐԱՅԻՆ ԿԱՐԳՈՎ ԱՇԽԱՏԱՆՔԻ
ԸՆԴՈՒՆԵԼՈՒ ՊԱՐՏԱԴԻՐ ՊԱՅՄԱՆՆԵՐ**

7. Պրոֆեսորի պաշտոնում աշխատանքի ընդունվող Հավակնորդը, որպես կանոն, պետք է ունենա համապատասխան մասնագիտության դոկտորի գիտական աստիճան և/կամ պրոֆեսորի գիտական կոչում:
8. Դոցենտի պաշտոնում աշխատանքի ընդունվող Հավակնորդը, որպես կանոն, պետք է ունենա համապատասխան մասնագիտության գծով գիտական աստիճան և/կամ դոցենտի գիտական կոչում:

9. Ավագ դասախոսի պաշտոնում աշխատանքի ընդունվող Հավակնորդը, որպես կանոն, պետք է ունենա բուհական աշխատանքի առնվազն 15 տարվա ստաժ և/կամ համապատասխան մասնագիտության գծով ավարտել են ասպիրանտուրա՝ հանձնելով թեկնածուական որակավորման բոլոր քննությունները:
10. Դասախոսի պաշտոնում աշխատանքի ընդունվող Հավակնորդը պետք է ունենա դիպլոմավորված մասնագետի կամ համապատասխան մասնագիտության գծով մագիստրոսի որակավորման աստիճան:
11. Դասախոսի պաշտոնում աշխատանքի ընդունվելու պարտադիր պայմանն է գերազանցության դիպլոմի առկայությունը կամ մասնագիտական առարկաների գերազանց և լավ (լավ գնահատականների նվազագույն քանակով) առաջադիմությունը:
12. Հավակնորդը դիմումին կից ներկայացնում է հետևյալ փաստաթղթերը.
- անձնական թերթիկ լուսանկարով
 - անձնագրի պատճենը
 - սոցիալական քարտի պատճենը
 - աշխատանքային գրքույկի քաղվածքը
 - ինքնակենսագրությունը
 - գիտական աշխատությունների ցուցակը
 - վավերացված դիպլոմի պատճենը
 - վավերացված դիպլոմի միջուկի պատճենը
 - վավերացված գիտական աստիճանը հաստատող փաստաթղթի պատճենը
 - վավերացված գիտական կոչումը հաստատող փաստաթղթի պատճենը:

Հաստատված է համալսարանի գիտխորհրդի 01.03.06թ. հ.7 նիստում